



Aningaasaqarnermut Naalakkersuisoq

Ulloq: 14. december 2012

J.nr.: 01.31.06/12-00616

Aningaasaqarnermut Akileraartarnernullu Ataatsimiititaliap pingasungornermi ulloq 12. december 2012-imi aalajangiineranik Naalakkersuisunut ilisimatitsineq (suliaq nr. 01.31.06/12-00616)

Taarsigassarsiarititassatut neriorsuutininik nutaanik inissialiortiternermut atorpeqarsinnaangorlugit missingersuutininut sunnuteqanngitsumik nussuinissaq

Naalakkersuisut inassutigaat,

- kontomi pingaarnermi 89.72.11-mi Nammineq inissianik tapiissutitalimmik sanaartornermut tunngasumi, suliassamut nr. 996.37.109-mut, Nammineerluni inissianik tapersiissutitalimmik sanaartornermut 2010-mut tunngasumut, aningaasaliissutit 0,281 mio. koruuninik ikilineqassasut aamma suliassamut nr. 996.37.112-imut, Nammineerluni inissianik tapersiissutitalimmik sanaartornermut 2011-mut tunngasumut, aningaasaliissutit 12,588 mio. koruuninik ikilineqassasut, aamma
- kontomi pingaarnermi 80.00.10-mi, Sanaartugassanut lluarsagassanullu Aningaasaateqarfimmit utertitanut tunngasumi, aningaasaliissutit 12,869 mio. koruuninik amerlineqassasut,
- kontomi pingaarnermi 89.72.11-mi, Nammineq inissianik tapiissutitalimmik sanaartornermut tunngasumi, suliassamut nr. 996.37.115-imut, Nammineerluni inissianik tapersiissutitalimmik sanaartornermut 2012-imut tunngasumut, aningaassaliissutit 12,869 mio. koruuninik amerlineqassasut aammalu tamatuma peqatigisaanik kontomi pingaarnermi 80.00.10-mi, Sanaartugassanut lluarsagassanullu Aningaasaateqarfimmit utertitanut tunngasumi, aningaasaliissutit 2012-imi 12,869 mio. koruuninik ikilineqassasut.

Aningaasaqarnermut Ataatsimiititaliap oqaaseqatai

Nammineq inissianik tapiissutitalimmik sanaartornissamut taarsigassarsiarititassatut 2010-mi aamma 2011-mi neriorsuutinit atorunnaarsinneqartunit aningaasat nuunneqarnissaat, taamaalillutillu taarsigassarsiarititassatut 2012-imi neriorsuutininut nutaanut aningaasat atorneqarnissaat Naalakkersuisut qinnuteqaatikkut kissaatigaa.

Matumani nuussinerup kingorna konto pingaarneq 0,- kr.-ingussasoq konto pingaarnermut 80.00.10-mut, Sanaartugassanut lluarsagassanullu Aningaasaateqarfimmit utertitanut tunngasumut, missingersuutininut ilanngussami allassimasoq ataatsimiititaliamit maluginiarneqarpoq. Tamannali eqquingilaq. Kontomi pingaarnermi 75.86.20-mi, Avatangiisinut sanaartukkanut tunngasumi, aamma kontomi pingaarnermi 75.86.21-imi, Mingutsaaliuineranut atortunik sanaartornermut tunngasumi, sulianik inaarsaaneq pillugu ilassutitut aningaasaliissuteqarnissamik Naalakkersuisut qinnuteqaataanni (suliaq nr.

01.31.06/12-00601) inassuteqaatit naapertorlugit konto pingaarnermi 80.00.10-mi, Sanaartugassanut Iluarsagassanullu Aningaasaateqarfimmit utertitanut tunngasumi, aningaasaliissutit 0,399 mio. kr.-inik amerlineqarput. Aningaasat taakku konto pingaarnermut allamut nuunneqarsimanissaannik ataatsimiititaliaq ilisimasaqanngilaq. Tamanna pillugu nassuiaateqaqqullugit Naalakkersuisut qinnuigineqarput.

Aalajangiinermi (suliaq nr. 01.31.06/12-00601) ataatsimiititaliaq ima oqaaseqarpoq:

"Inassuteqaatit nunatta karsianut kinguneqassanngitsut isummernissamut tunngavissiami allassimasoq ataatsimiititaliamit maluginiarneqarpoq. Tamannali eqquinngilaq, tassa inassuteqaatit akuerineqarnerat 2012-imi Sanaartugassanut Iluarsagassanullu Aningaasaateqarfiup isertitaqarneranik nassataqassammat."

Siuliani allassimasut oqaaseqarfigineqarnissaat ataatsimiititaliamit kissaatigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput**.

Missingersuutinut ilanngussat iluarsisat aningaasanut inatsisip ukiuani matumani nassiateqquneqarput assilinerilu qarasaasiakkut ukununga nassiunneqarluni: julie@ina.gl aamma sakkak@ina.gl.

Ataatsimiititaliaq sinnerlugu



Andreas Uldum

Ataatsimiititaliap siulittaasua